




Link: http://dosije.ba/index.php?option=com_content&view=article&id=1217:izvjetaj-doris-pak-o-bih-novo-izazivanje-mrnje-u-bih&catid=45:politika-master&Itemid=78

Izvještaj Doris Pak o BiH: Novo izazivanje mržnje u BiH?!

Četvrtak, 01 Ožujak 2012 14:13 | Autor Danijel Senkić |   



Evropski parlament, na Komitetu za vanjske poslove, razmatrao je izvještaj izvjestioca za BiH Doris Pack o BiH na koji je podneseno 112 amandmana, među kojima i dva koja se odnose na pitanje vehabizma.

Ovakav potez, koji je dobio veliku medijsku pažnju, iz mog ugla kao građanina BiH koji ne pripada Bošnjačkom korpusu, direktan je nož u srce svim građanima Bosne i Hercegovine.

Naime, Packova, očigledno vrlo kršćanski nastrojena, učinila je jedan neviđen nacionalistički čin prema Bošnjacima, ali i necivilizacijski čin prema Bosni i Hercegovini i svim njenim građanima, pa i prema Evropi.

Eto, vehabije su po Packovoj, glavna prijetnja miru i glavni uzrok terorizma na ovim prostorima. Ne kažem da nisu jedan od uzroka. Naravno da treba konačno riješiti problem vehabizma u BiH, jer je duboko ukorijenjen u našem društvu i pravi ogromnu štetu procesu pomirenja i uspostavi normalnog demokratskog društva.

Ali, žalosna je činjenica da Packova kao izvjestilac EU za BiH ne raspolaže činjenicama da su vehabije samo jedna od karika terorističkih prijetnji i opasnosti za mir i pomirenje u BiH. Ili raspolaže tim činjenicama? Jer sumnjamo da je baš toliko neobaviještena, ili ih namjerno prešućuje zbog interesa kršćanske Evrope.

Zna li Packova da u BiH postoji i djeluje Ravnogorski četnički pokret, koji na svakoj čuki u RS-u ima kampove za obuku četničkih terorista? Zna li ona da su isti ti četnici sljedbenici koljača iz II Svjetskog rata kao i ovih iz najnovijeg rata, koji su počinili neviđen genocid nad Bošnjacima Srebrenice?

Zna li Packova da u srce Hercegovine, u Mostaru, djeluje ustaška organizacija „Croatia libertas“, koja na sve načine, javno i putem medija, pokušava Bošnjake predstaviti kao narod najniže klase sa kojima „dostojanstveni Hrvati“ ne bi trebali da dijele ništa, pa ni teritoriju? Zna li da je njihov predsjednik Leo Pločkinić pod sankcijama Visokog predstavnika za BiH zbog huškačke retorike?

Zna li Packova da ovdje djeluju i druge organizacije i grupe koje otvoreno promovišu nacizam, poput BPNP-a? Vjerovatno zna, te ukoliko je to istina, maske su pale. Evropo, budi poštena i priznaj: Da li se borite protiv terorizma ili za interese isključivo kršćanske Evrope u kojoj će glavni krivci za sve biti Muslimani? Jer, očigledno je, za Packovu postoji i pozitivni terorizam, fašizam i nacizam. Bitno je da ga ne promovišu Muslimani.